

PP alderdia «'non grato'» izendatu du Euskal Herrian Euskaraz-ek Gasteizen

Alderdi Popularraren egoitzaren aurrean bildu ziren haren hizkuntz politika salatzeke

Erredakzioa / Gasteiz

PPk euskararen gainean duen politika salatzeke elkarretaratzea antolatu zuen atzo Euskal Herrian Euskaraz-ek (EHE) Gasteizen. PPren aurkako oihuak egin zituzten eta agiri bat banatu zuten kalean, Alderdi Popularra Euskal Herrian «non grato» izendatuz.

PP-K mindu egin ditu euskaltzaleok, Gasteizko Udalean eta Foru Aldundian hartu dituen erabakien bitartez. Eta politika «oldarkor» hori salatzeke, ia ehun pertsona bildu ziren Gasteizen PPk duen egoitzaren aurrean, haren jokabidea gaitzesteko.

EHEk antolatu zuen mobilizazioa —eta gehiago antolatzeko asmoa du—, eta aprobetxatu zuen aldarrikatzeko PP alderdia «non grato» dela Euskal Herrian.

«Euskara eta Euskal Herriaren aurkako politika salatu behar dugu. Izan ere, inork ez baitu eskubiderik gure hizkuntza nazionala baztertzeko, akabatzeke. Euskal Herriari ez du onartzen bere izaeraren muina, euskara, kendu nahi dion inor, eta Partidu Popularra, PSOE eta UA-aren babesarekin, jarrera hori daukatenen buru-buruan dago. Horrexegatik, non grato



PP euskarari buruz egiten ari den politika salatu zuten.

izendatu dugu Euskal Herrian», dio EHE erakundeak gasteiztarren artean banatu zuen idatziak.

Kontzentrazioan Alfonso Alonsoren eta Ramon Rabaneren aurkako oihuak egin zituzten. Lehena Gasteizko alkatea da eta bigarrena diputatu nagusia. Alfonso, Rabanera, entzun, Araba euskaldun eta PP, euskararen etsaia oihukatu zuten. Guz-

tion aurrean pankarta bat jarri zuten, lelo honekin: Euskararen normalkuntzan atzerapausurik ez.

EHEk uste du PPk «argi» utzi duela zer pentsatzen duen euskararen normalizazioari buruz. «Euskara eguneroko bizitzatik erabat desgertaraztea edo behintzat oso esparru marjinaletara zokoratu nahi du. Azken asteotan PP ideietatik ekintzetara

pasatu da, instituzio batzuetan lortutako botereaz baliatuta. Oraindik ez da urte erdi agintaritza lortu zuela, baina denbora hori nahikoa izan dute euskarari hainbat eraso larri egiteko», salatu zuen euskararen aldeko erakundeak. Bihar Arabako Foru Aldundiaren jarrera salatuko dute, Euskaltzaleen Elkargu-neak deitutako kontzentrazioan.

Radio Franceko lehendakaria, hizkuntza gutxituen garapenaren alde

■ Irrati publikoen jardunaldien kariatara, Miarritzen izan da Jean-Marie Cavada

Eneko Bidegain / Miarritze

JEAN-MARIE CAVADA Radio Franceko buruak «eskualde hizkuntzetan berezituak diren antenen garapenaren alde» dela aitortu zuen Miarritzen. «Ideia ona da euskarazko emankizunen egitea».

«Euskara, beste eskualde hizkuntzak bezala, belaunaldi gazteak bereganatzen ari dira. Ez da gehiago zaharrei esker bizirik irauten duen eta azken belaunaldiarekin batera hiltzera kondenatua den hizkuntza bat», adierazi zuen. «Normala da, beraz, irratia entzuleen kezka horri erantzun diezaion», gehitu zuen. «Mundializazioari buruz frantsesa eta euskara ez dira hizkuntza etsaiak», Cavadaren ustez.

Cavada frantses hizkuntzazko irrati publikoen topaketan kariatara minztatu zen. Radio France, Radio Canada, Radio Suisse Normande eta Radio Television Belge Francophone Miarritzen ospatu zuten urteroko topaketa. Frantsesezko irrati publikoen arteko elkarlanaren garatzeko erabakia hartu zuten.

Folklore Jaialdia egin du Sortzen-ek Berriozarren

■ D ereduko umeak biltzea da bestaren helburua

Eduene Elizondo/ Berriozar

SORTZEN taldeko gurasoek antolatuta, Euskal Folklorearen Jaialdia egin zuten atzo, Berriozarko Mendialdea ikastetxean, bigarren urtez. Iruñeko ikastetxe publikotako D ereduko ikasleak bildu ziren han, gurasoek lagunduta. Besta goizeko 11:00etan hasi zen, eta, 13:00a arte, dantza, musika, bertsoak eta antzerkia izan ziren nagusi, ikasle- en eskutik.

«Euskal folklorea bultzatu, eta, aldi berean, D ereduaren ikasten ari diren neska-mutikak egun batez biltzea da gure helburua, eskolatik kanpo ere euskaraz aritzeko aukera

izan dezaten», azaldu zion Sortzeneko kide eta Biurdanako ikastetxeko Gurasoen Elkarteko lehendakari Carmen Estebanezek EGUNKARIARI. Besta urtarillaren 29an eta otsailean errepikatzeke asmoa dutela gaineratu zuen.

Sortzeneko Ricardo Ederak, bestalde, talde horrek Nafarroako Gobernuko Hezkuntza kontseilari Jesus Lagunarekin bilera eginen duela ezagutzera eman zuen. Bilera abenduaren 7an izanen da, euskal irakaskuntzaren gaia aztertzeke. «Hitz egiteko borondatea badagoela dirudi, baina euskal irakaskuntzak baztertua darrai».



JOXE LACALLE

Iruñeko D ereduko ikasleak Berriozarren bildu ziren atzo, Euskal Folklorearen Jaialdia ospatzeko.